

গণপ্রজাতন্ত্রী বাংলাদেশ সরকার
শারীরিক প্রতিবন্ধী সুরক্ষা ট্রাস্ট, মৈত্রী শিল্প
সমাজকল্যাণ মন্ত্রণালয়
স্টেশন রোড, টংগী, গাজীপুর
www.spst.gov.bd

বার্ষিক প্রতিবেদন

২০২২-২০২৩

শারীরিক প্রতিবন্ধী সুরক্ষা ট্রাস্ট, মৈত্রী শিল্প

গণপ্রজাতন্ত্রী বাংলাদেশ সরকারের সমাজকল্যাণ মন্ত্রণালয়াধীন শারীরিক প্রতিবন্ধী সুরক্ষা ট্রাস্ট, মৈত্রী শিল্প প্রতিবন্ধীবাধক একটি প্রতিষ্ঠান। এ প্রতিষ্ঠানের আওতায় দেশ সেরা বোতলজাত বিশুদ্ধ মুক্ত পানি ও মৈত্রী প্লাস্টিক পণ্য উৎপাদন ও বিপণন করা হয়। এ উৎপাদন ও বিপণন প্রক্রিয়ার সাথে যে সকল কর্মকর্তা/কর্মচারী সম্পৃক্ত রয়েছেন তাদের সিংহভাগই প্রতিবন্ধী। এ প্রতিষ্ঠানের অনন্য বৈশিষ্ট্য হচ্ছে প্রতিবন্ধী ব্যক্তিদের দ্বারা উৎপাদিত মুক্ত বোতলজাত বিশুদ্ধ পানি ও মৈত্রী প্লাস্টিক পণ্যের বিক্রয়লব্ধ সমুদয় আয় প্রতিবন্ধী ব্যক্তিদের কল্যাণেই ব্যয় করা হয়।

প্রতিবন্ধী ব্যক্তিদের জীবনমান উন্নয়ন ও অধিক কর্মসংস্থানের সুযোগ সৃষ্টির লক্ষ্যে মাননীয় প্রধানমন্ত্রী শেখ হাসিনার ঐকান্তিক প্রচেষ্টায় ও প্রতিবন্ধী ব্যক্তিদের প্রতি তাঁর মানবিক সহানুভূতি থেকে বর্তমান সরকার মৈত্রী শিল্পের আধুনিকায়ন ও সম্প্রসারণে “শারীরিক প্রতিবন্ধীদের জন্য উন্নয়ন ও আধুনিকায়ন” শীর্ষক উন্নয়ন প্রকল্প বাস্তবায়ন করে। এছাড়াও বিগত ১৪ (চৌদ্দ) বছরে (২০০৯-২০২৩) প্রতিবন্ধী ব্যক্তিদের জীবনমান উন্নয়নে মাননীয় প্রধানমন্ত্রীর অনুশাসন অনুযায়ী মৈত্রী শিল্পের আমূল পরিবর্তন ও সংস্কারের মধ্য দিয়ে শারীরিক প্রতিবন্ধী সুরক্ষা ট্রাস্ট, মৈত্রী শিল্প আজ রুগ্ন শিল্প হতে একটি প্রতিবন্ধীবাধক, আধুনিক, উন্নত ও লাভজনক প্রতিষ্ঠানে পরিণত হয়েছে।

“প্রতিবন্ধী ব্যক্তিদের জীবনমান উন্নয়ন ও সমাজের মূলস্রোতে অন্তর্ভুক্তির অভিযাত্রায় মুজিববর্ষ হোক আমাদের অন্যতম প্রেরণার উৎস”-এই শ্লোগানকে ধারণ করে মৈত্রী শিল্প মুজিববর্ষে উল্লেখযোগ্য উন্নয়ন কর্মকান্ড বাস্তবায়ন করে যা স্বাধীনতার সুবর্ণ জয়ন্তীতেও প্রতিবন্ধী ব্যক্তিদের সমাজের মূলস্রোতে অন্তর্ভুক্তিতে প্রেরণা হিসেবে কাজ করছে।

১.১ রূপকল্প (Vision):

কর্মসংস্থানের সুযোগ সৃষ্টি এবং পুনর্বাসনের মাধ্যমে শারীরিক প্রতিবন্ধী ব্যক্তিদের অধিকার সুরক্ষা ও তাদেরকে সমাজের মূলস্রোতে সম্পৃক্তকরণের মাধ্যমে প্রতিবন্ধী ব্যক্তিদের জীবনমান উন্নয়ন।

১.২ অভিলক্ষ্য (Mission)

- প্রতিবন্ধী ব্যক্তিদের সমাজের মূলস্রোত ধারায় সম্পৃক্ত করার জন্য শিল্প বিষয়ক প্রশিক্ষণের মাধ্যমে দক্ষ মানব সম্পদে রূপান্তর;
- প্রতিবন্ধী ব্যক্তিদের সুরক্ষার লক্ষ্যে তাদের কর্মসংস্থান ও পুনর্বাসন কার্যক্রম জোরদারকরণ;
- মৈত্রী প্লাস্টিক পণ্য সামগ্রী ও মুক্তা ন্যাচারাল ড্রিংকিং ওয়াটার উৎপাদন ও বিপণনের কাঙ্ক্ষিত মানে উন্নীতকরণ ও মৈত্রী শিল্পের আধুনিকায়ন;
- মৈত্রী শিল্পের উৎপাদিত প্লাস্টিক পণ্য সামগ্রী ও মুক্তা ন্যাচারাল ড্রিংকিং ওয়াটার সরকারি, আধাসরকারি/ স্বায়ত্বশাসিত প্রতিষ্ঠানসহ ভোক্তাদের মাঝে সরবরাহ বৃদ্ধি নিশ্চিতকরণ ও রাজস্ব বৃদ্ধির মাধ্যমে প্রতিবন্ধী ব্যক্তিদের উন্নয়নে ভূমিকা রাখা।

২.০ মৈত্রী শিল্পের কার্যাবলি (Functions)

বাংলাদেশের আর্থ-সামাজিক উন্নয়নে মাননীয় প্রধানমন্ত্রী শেখ হাসিনার দূরদৃষ্টিসম্পন্ন ও ভিশনারি পদক্ষেপের ফলে দেশের প্রান্তিক জনগোষ্ঠীর জীবনমান উন্নয়ন ও কাঙ্ক্ষিত অর্থনৈতিক প্রবৃদ্ধি অর্জন সম্ভব হয়েছে। “প্রতিবন্ধীরা সমাজের বোঝা নয় সম্পদ” মাননীয় প্রধানমন্ত্রীর প্রতিবন্ধীবান্ধব এই দৃষ্টিভঙ্গি ও প্রতিবন্ধী ব্যক্তিদের জীবনমান উন্নয়নে কিছু অনুশাসন বাস্তবায়নের মাধ্যমে এই সংস্থাটি প্রতিবন্ধীতা উত্তরণে বিশেষ ভূমিকা পালন করে যাচ্ছে। প্রতিবন্ধিতা উত্তরণে মৈত্রী শিল্পের প্রতি তাঁর মানবিকবোধ ও ঐকান্তিক প্রচেষ্টায় এই প্রতিষ্ঠানটি একটি রুগ্ন শিল্প হতে প্রতিবন্ধীবান্ধব একটি লাভজনক প্রতিষ্ঠানে পরিণত করা সম্ভব হয়েছে।

- ❖ প্রতিবন্ধী ব্যক্তিদের সমাজের মূলস্রোতধারায় অর্ন্তভুক্ত করার জন্য শিল্প বিষয়ক প্রশিক্ষণ প্রদানের মাধ্যমে দক্ষ মানব সম্পদে রূপান্তর করা;
- ❖ প্রতিবন্ধী ব্যক্তিদের আর্থ-সামাজিক সুরক্ষার লক্ষ্যে তাদের কর্মসংস্থান ও পুনর্বাসন কার্যক্রম বাস্তবায়ন করা;
- ❖ মৈত্রী প্লাস্টিক পণ্য সামগ্রী ও মুক্তা ন্যাচারাল ড্রিংকিং ওয়াটার উৎপাদন ও বিপণন কাঙ্ক্ষিত মানে উন্নীতকরণের মাধ্যমে প্রতিবন্ধী ব্যক্তিদের টেকসই উন্নয়ন নিশ্চিত করা;
- ❖ মৈত্রী শিল্পের উৎপাদিত প্লাস্টিক পণ্য সামগ্রী ও মুক্তা ন্যাচারাল ড্রিংকিং ওয়াটার সরকারি, আধাসরকারি/ স্বায়ত্বশাসিত প্রতিষ্ঠানসহ সর্বস্তরের ভোক্তাদের মাঝে সরবরাহ নিশ্চিতকরণের মাধ্যমে সরকারের রাজস্ব বৃদ্ধি ও প্রতিবন্ধী ব্যক্তিদের জীবনমান উন্নয়নে ভূমিকা রাখা।



মৈত্রী শিল্পের প্রতিবন্ধী ব্যক্তিদের দ্বারা উৎপাদিত প্লাস্টিক পণ্য সামগ্রীর স্টল পরিদর্শন করছেন মাননীয় প্রধানমন্ত্রী শেখ হাসিনা



বিশ্ব অটিজম সচেতনতা দিবসের অনুষ্ঠানে 'মুক্তা পানির' বোতল হাতে মাননীয় প্রধানমন্ত্রী শেখ হাসিনা

৩.০ ২০২২-২০২৩ অর্থবছরে মৈত্রী শিল্পের গুরুত্বপূর্ণ অর্জন

মাননীয় প্রধানমন্ত্রী শেখ হাসিনার নেতৃত্বাধীন বর্তমান প্রতিবন্ধীবাঞ্ছব সরকারের সময়ে শারীরিক প্রতিবন্ধী সুরক্ষা ট্রাস্ট, মৈত্রী শিল্প প্রতিবন্ধী ব্যক্তিদের জীবনমান উন্নয়নের মাধ্যমে টেকসই উন্নয়ন নিশ্চিতকরণের লক্ষ্যে ২০২২-২০২৩ অর্থবছরে নিম্নে বর্ণিত গুরুত্বপূর্ণ কার্যাবলি সম্পাদন করেছে:

৩.১ বঙ্গবন্ধু কর্ণারে লাইব্রেরি স্থাপন:

মৈত্রী শিল্পে একটি দৃষ্টিনন্দন আধুনিক স্থাপত্যের “বঙ্গবন্ধু কর্ণার” স্থাপন করা হয়েছে। যেখানে বঙ্গবন্ধুর কর্মময় জীবন, বাংলাদেশের স্বাধীনতা আন্দোলন ও বাঙালির সংস্কৃতি সংক্ষিপ্তভাবে তুলে ধরা হয়েছে। এছাড়াও কর্ণারে বঙ্গবন্ধুর বিভিন্ন সময়ের গুরুত্বপূর্ণ ছবি ও ঐতিহাসিক ভাষন, বঙ্গবন্ধুর উপর বিভিন্ন প্রকাশনা, স্বাধীনতার বিভিন্ন স্মারক সংরক্ষণ করা হচ্ছে। পাশাপাশি বঙ্গবন্ধু কর্ণার এর অভ্যন্তরে বঙ্গবন্ধুর “অসমাপ্ত আত্মজীবনী” গ্রন্থসহ বঙ্গবন্ধুকে নিয়ে বিভিন্ন সময়ে প্রকাশিত বই-পুস্তক, বাংলাদেশের সংবিধান ও স্বাধীনতা সংগ্রামের দলিল সমগ্র সংরক্ষণের মাধ্যমে একটি ক্ষুদ্র গ্রন্থাগারও গড়ে তোলা হয়েছে। যাতে করে প্রজন্ম যেন জাতির পিতা বঙ্গবন্ধু শেখ মুজিবুর রহমান ও তাঁর কর্মময় জীবন, বাংলাদেশের স্বাধীনতা আন্দোলনের ইতিহাস ও বাঙালি কৃষ্টি, ঐতিহ্য ও সংস্কৃতি সম্পর্কে সম্যক ধারণা লাভ করতে পারে। যাতে করে পরবর্তী প্রজন্ম যেন জাতির পিতা বঙ্গবন্ধু শেখ মুজিবুর রহমান ও তাঁর কর্মময় জীবন, বাংলাদেশের স্বাধীনতা আন্দোলনের ইতিহাস ও বাঙালি কৃষ্টি, ঐতিহ্য ও সংস্কৃতি সম্পর্কে সম্যক ধারণা লাভ করতে পারে।



১২ নভেম্বর ২০২২ খ্রীস্টাব্দ তারিখে সমাজকল্যাণ মন্ত্রণালয়ের মাননীয় মন্ত্রী নুরুজ্জামান আহমেদ, এমপি, প্রতিমন্ত্রী মোঃ আশরাফ আলী খান খসরু এমপি এবং সম্মানিত সচিব জনাব মোঃ জাহাঙ্গীর আলম কর্তৃক শারীরিক প্রতিবন্ধী সুরক্ষা ট্রাস্ট, মৈত্রী শিল্পে স্থাপিত দৃষ্টিনন্দন মুজিব কর্ণার ও গ্রন্থাগার পরিদর্শন।

-৫-

৩.২ মৈত্রী প্লাস্টিক সামগ্রী: ২০২২-২০২৩ অর্থবছরে মৈত্রী শিল্পে বিভিন্ন প্রকার আধুনিক মোল্ড ও মেশিনারিজ সংযোজনের মাধ্যমে প্রতিবন্ধীদের দ্বারা দৈনন্দিন ব্যবহার্য ১১২ ধরনের প্লাস্টিক পণ্য তৈরি করা হচ্ছে। প্রতিবন্ধী ব্যক্তিদের দ্বারা উৎপাদিত এ সকল প্লাস্টিক সামগ্রী মৈত্রী ব্রান্ড নামে বিভিন্ন বাণিজ্যিক প্রতিষ্ঠান ও সরকারি প্রতিষ্ঠানসমূহে চাহিদা অনুযায়ী সরবরাহ করা হচ্ছে।



১২ নভেম্বর ২০২২ খ্রীস্টাব্দ তারিখে সমাজকল্যাণ মন্ত্রণালয়ের মাননীয় মন্ত্রী নুরুজ্জামান আহমেদ, এমপি, প্রতিমন্ত্রী মোঃ আশরাফ আলী খান খসরু, এমপি এবং সম্মানিত সচিব জনাব মোঃ জাহাঙ্গীর আলম কর্তৃক প্রতিবন্ধী ব্যক্তিদের দ্বারা উৎপাদিত প্লাস্টিক পণ্য উৎপাদন কারখানা পরিদর্শন।



রাজধানীর আন্তর্জাতিক মাতৃভাষা ইনস্টিটিউটে ৫ এপ্রিল, ২০২৩ মুক্তা পানির প্রমোশনাল কার্যক্রম ও রোড-শোতে অংশগ্রহণ করেন সমাজকল্যাণ মন্ত্রণালয়ের মাননীয় মন্ত্রী নুরুজ্জামান আহমেদ, এমপি, প্রতিমন্ত্রী মোঃ আশরাফ আলী খান খসরু, এমপি এবং সম্মানিত সচিব জনাব মোঃ জাহাঙ্গীর আলম।

৩.৩ বিভাগীয় পর্যায়ে মৈত্রী শিল্পের শাখা স্থাপন:

প্রতিবন্ধী ব্যক্তিদের অধিকতর কর্মসংস্থান সৃষ্টির মাধ্যমে তাদের জীবনমান উন্নয়ন ও মৈত্রী পণ্যের বাজার সম্প্রসারণের লক্ষ্যে মাননীয় প্রধানমন্ত্রীর অনুশাসন অনুযায়ী দেশের ০৮ বিভাগে মৈত্রী শিল্পের ০৮টি শাখা কাম সেলস সেন্টার গড়ে তোলার কার্যক্রম বাস্তবায়নাধীন রয়েছে। ইতোমধ্যে ঢাকা, রংপুর ও চট্টগ্রাম বিভাগীয় পর্যায়ে মৈত্রী শিল্পের শাখা কাম সেলস সেন্টার স্থাপনের কাজ বাস্তবায়িত হয়েছে। ২০২২-২০২৩ অর্থবছর হতেই এ তিনটি শাখায় উৎপাদন ও বিপণন শুরু হয়েছে। অবশিষ্ট ০৫টি বিভাগীয় শাখা পর্যায়ক্রমে বাস্তবায়ন করা হবে।



মাননীয় প্রধানমন্ত্রীর অনুশাসন অনুযায়ী প্রতিবন্ধী ব্যক্তিদের অধিকতর কর্মসংস্থান ও জীবনমান উন্নয়নের লক্ষ্যে বিভাগীয় পর্যায়ে (রংপুর বিভাগ) মৈত্রী শিল্পের স্থাপিত শাখা।

৩.৪ প্রতিবন্ধী ব্যক্তিদের বৃত্তিমূলক/শিল্প বিষয়ক প্রশিক্ষণের মাধ্যমে মানব সম্পদে রূপান্তরপূর্বক কর্মসংস্থানের ব্যবস্থাকরণ

২০২২-২০২৩ অর্থবছরে শারীরিক প্রতিবন্ধী সুরক্ষা ট্রাস্ট, মৈত্রী শিল্প কর্তৃক প্রতিবন্ধী ব্যক্তিদের বৃত্তিমূলক/ শিল্প বিষয়ক প্রশিক্ষণ প্রদানকরত দক্ষ মানব সম্পদে রূপান্তর এবং প্রশিক্ষিত প্রতিবন্ধী ব্যক্তিদের মৈত্রী শিল্পসহ বিভিন্ন প্রতিষ্ঠানে কর্মসংস্থানের ব্যবস্থা করা হয়েছে।



মৈত্রী শিল্পের ওয়ার্কশপে প্রশিক্ষণরত প্রতিবন্ধী প্রশিক্ষণার্থীবৃন্দ

৩.৫ কারিগরি দক্ষতা উন্নয়ন ও আধুনিক অফিস ব্যবস্থাপনা সম্পর্কিত প্রশিক্ষণ কর্মশালার আয়োজন

২০২২-২০২৩ অর্থবছরে শারীরিক প্রতিবন্ধী সুরক্ষা ট্রাস্ট, মৈত্রী শিল্পে কারিগরি দক্ষতা উন্নয়ন ও আধুনিক অফিস ব্যবস্থাপনা সম্পর্কিত প্রশিক্ষণ কর্মশালার আয়োজন করা হয়। যাতে করে প্রশিক্ষিত ব্যক্তির মৈত্রী শিল্পের উন্নয়নে অধিকতর কার্যকর ভূমিকা রাখতে পারে।

৩.৬ গভীর নলকূপ স্থাপনঃ

২০২২-২০২৩ অর্থবছরে মুক্তা ড্রিংকিং ওয়াটারের চাহিদা বৃদ্ধির কারণে টংগীস্থ প্রধান কার্যালয়ে আরোও একটি ১০০০ (এক হাজার) ফুট গভীর নলকূপ স্থাপন। এই গভীর নলকূপ স্থাপনের ফলে মুক্তা ড্রিংকিং ওয়াটার নিরবিচ্ছিন্নভাবে উৎপাদন কার্যক্রম পরিচালনা সম্ভব হবে।



২৭ জুন ২০২৩ তারিখের মধ্যে মৈত্রী শিল্পে মুক্তা পানির প্রাকৃতিক উৎসে ১০০০ (এক হাজার) ফুট গভীর নলকূপ স্থাপনের কাজ সম্পন্ন হয়েছে। সমাজকল্যাণ মন্ত্রণালয়ের মাননীয় মন্ত্রী নুরুজ্জামান আহমেদ, এমপি এবং সম্মানিত সচিব জনাব মোঃ জাহাঙ্গীর আলম কর্তৃক মৈত্রী শিল্পে স্থাপিত ১০০০ (এক হাজার) ফুট গভীর নলকূপ উদ্বোধন।



১২ নভেম্বর ২০২২ খ্রীস্টাব্দ তারিখে সমাজকল্যাণ মন্ত্রণালয়ের মাননীয় মন্ত্রী নুরুজ্জামান আহমেদ, এমপি, প্রতিমন্ত্রী মোঃ আশরাফ আলী খান খসরু, এমপি এবং সম্মানিত সচিব জনাব মোঃ জাহাঙ্গীর আলম কর্তৃক প্রতিবন্ধী ব্যক্তিদের দ্বারা উৎপাদিত মুক্তা ড্রিংকিং ওয়াটার অটোমেশন প্লান্ট পরিদর্শন।

৩.৭ মৈত্রী শিল্প ফ্যাক্টরিতে ৮৫০০ কিলোনিউটন ক্ষমতা সম্পন্ন ইনজেকশন মোল্ডিং মেশিন স্থাপনঃ
২০২২-২০২৩ অর্থবছরে টংগীস্থ মৈত্রী শিল্পের ফ্যাক্টরিতে ৮৫০০ কিলোনিউটন ক্ষমতা সম্পন্ন ইনজেকশন মোল্ডিং মেশিন স্থাপন করা হয়েছে। যে মেশিনের মাধ্যমে প্রশিক্ষিত প্রতিবন্ধীদের দ্বারা মৈত্রী প্লাস্টিক চেয়ার, মৈত্রী প্লাস্টিক বুড়ি এবং মৈত্রী প্লাস্টিক পেপার বাস্কেট উৎপাদন করা হবে। প্রতিবন্ধীদের দ্বারা মৈত্রী চেয়ার এবং বুড়ি উৎপাদনের মাধ্যমে প্রতিবন্ধীদের জীবনমান উন্নয়নে সহায়ক ভূমিকা পালন করবে এবং মৈত্রী শিল্পকে আরো লাভজনক প্রতিষ্ঠানে পরিণত করবে।

বর্তমান সরকারের বিগত ১৪ বছর (২০০৯-২০২৩) মেয়াদে প্রতিবন্ধী ব্যক্তিদের জীবন মান উন্নয়নে মাননীয় প্রধানমন্ত্রীর মানবিক প্রতিশ্রুতি ও তাঁর দূরদৃষ্টিসম্পন্ন সিদ্ধান্তের ফলে প্রতিষ্ঠানটির আমূল পরিবর্তন ও সংস্কারের মধ্য দিয়ে শারীরিক প্রতিবন্ধী সুরক্ষা ট্রাস্ট, মৈত্রী শিল্প আজ প্রতিবন্ধীবান্ধব একটি লাভজনক প্রতিষ্ঠানে পরিণত হয়েছে, যা রূপকল্প ২০৪১ বাস্তবায়ন ও প্রতিবন্ধী ব্যক্তিদের টেকসই উন্নয়ন নিশ্চিতকরনের মাধ্যমে উন্নত দেশে রূপান্তরের অভিযাত্রায় একটি অনন্য পদক্ষেপ।

মোঃ সেলিম খান
নির্বাহী পরিচালক (যুগ্মসচিব)
শারীরিক প্রতিবন্ধী সুরক্ষা ট্রাস্ট, মৈত্রী শিল্প
সমাজকল্যাণ মন্ত্রণালয়।

